



UGOVOR O NABAVCI MATERIJALA ZA ČIŠĆENJE

Zaključen dana 19.03.2019. Između:

Javna ustanova Psihijatrijska bolnica Kantona Sarajevo, sa sjedištem u Ul. Nahorevska 248, Sarajevo, koju zastupa direktor Ahmić dr. Muhamed, ID 4200124040004, PDV 200124040004 (u daljem tekstu Kupac), i

„DEFTER“ d.o.o. Sarajevo, Gatačka 20, koju zastupa Redžović Refik –direktor ; ID4200303990007, PDV 200303990007, TRN:186-182-03100377-35 kod ZIRRAAT BANKA BiH, (u daljem tekstu: Dobavljač),

PREDMET UGOVORA

Član 1.

Predmet ovog Ugovora je nabavka materijala za čišćenje u skladu sa ponudom cijenom Dobavljača br. 69/19 od 15.02.2019. godine (Prilog 1) dostavljen po konkursnom zahtjevu za dostavu ponuda.

TRAJANJE UGOVORA

Član 2.

Važnost ovog Ugovora je 12 mjeseci od dana potpisivanja od strane ovlaštenih lica obje ugovorne strane.

CIJENA

Član 3.

Cijena koju će Kupac isplatiti Dobavljaču za materijal iz člana 1. Ugovora, a prema Ponudi Dobavljača 69/19 od 15.02.2019. godine iznosi:

Cijena bez PDV-a 16.045,37 KM

Porez na dodanu vrijednost (17%) = 2.727,71

Ukupna cijena sa PDV-om = 18.773,08 KM

(slovima: osamnaestljadasedamstotinasedamdesettri i 08/100 KM

Kupac zadržava prava korekcije robe na više ili manje u odnosu na količine naveden u Tenderskoj specifikaciji kupca (Aneks br.1) –ponudi Dobavljača, i pri tome ne snosi nikakvu odgovornost. Roba će se nabavljati sukcesivno tokom perioda važenja Ugovora.



USLOVI I NAČIN PLAĆANAJA

Član 4.

Plaćanje će se vršiti u roku od 15. dana od dana zaprimanja računa/fakture za stvarno isporučenu robu. Plaćanje se obavlja na transakcijski račun Dobavljača. Kupac ne prihvata avansno plaćanje i traženje osiguranje plaćanja. Ukupna plaćanja Dobavljaču bez PDV-a na temelju sklopljenog Ugovora ne smiju prelaziti procijenjenu vrijednost nabavke.

Kupčeva obaveza da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.

Dobavljač je dužan izdati/sačiniti fakturu u skladu sa odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu na obavezuje Kupca ni onda kada je fakturu primio, a nije joj prigovorio.

ROK ISPORUKE

Član 5.

Dobavljač se obavezuje da će isporučivati naručiocu materijal za čišćenje u roku od 24 sata, na osnovu primljen narudžbenice na adresu: Javna ustanova Psihijatrijska bolnica Kantona Sarajevo, Nahorevska 248.

Naručilac se obavezuje da preuzme cijelu količinu materijala za čišćenje, odmah po prispjeću. Po prijemu pošiljke naručilac je dužan istu pregledati, te o eventualnim reklamacijama obavijestiti Dobavljača bez odlaganja u roku od 24 sata, koji je obavezan istu preuzeti i dostaviti drugu.

Mjesto izvršenja obaveze Dobavljača - isporuke je sjedište Kupca : Nahorevska 248, 71 000 Sarajevo.

Kupac se obavezuje isplatiti cijenu i preuzeti isporuku robe onako kako je predviđeno ovim Ugovorom. Kupčeva obaveza preuzimanja općenito se sastoji u obavljanju svih radnji koje se od njega očekuju da bi omogućio Dobavljaču izvršiti isporuku i u preuzimanju robe.

Član 6.

Dobavljač odgovara za materijalne nedostatke robe koje ona imala u času prelaza rizika na Kupca, bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaska rizika na Kupca ako su posljedica uzroka koji je postojao prije toga. Obavijest o materijalnom nedostatku robe, Kupac je dužan potanje opisati nedostatak i pozvati Dobavljača da pregleda robu. Ako obavijest o materijalnom nedostatku koji je Kupac blagovremeno poslao Dobavljaču preporučenim pismom, telefonskom ili na neki drugi pouzdan način, zakasni ili uopšte ne stigne Dobavljaču smatra se da je Kupac izvršio svoju obavezu da obavijesti Dobavljača.



Nedostatak postoji ako ugovorena i isporučena roba nema svojstva i odlike koje su izričito određene ovim Ugovorom.

STUPANJE UGOVORA NA SNAGU

Član 7.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi sa ovim Ugovorom računaju se od dana stupanja Ugovora na snagu, ukoliko posebnom odredbom nije ugovoren neki drugi datum kao početak toka roka.

RASKID UGOVORA I POSLJEDICE

Član 8.

Pored slučajeva raskida Ugovora u smislu posebnih odredbi ovoga Ugovora svaka strana može raskinuti Ugovor i zbog razloga navedenih u ovom članu kada nastupaju određene pravne posljedice. Ukoliko Kupac bude smatrao da je zbog nepoštivanja ugovornih obaveza od strane Dobavljača ili zbog nastupanja okolnosti koje otežavaju ili sprečavaju da se nastavi izvršenje Ugovora, ili to isto bude smatrao Dobavljač u odnosu na obaveze Kupca, ugovorna strana pogođena tim nepoštivanjem ili okolnostima koje su nastupile, dužna je drugoj strani poslati pisano obavještenje (preporučenom poštom i telefaksom) u kome se navode razlozi koji upućuju na raskid Ugovora.

Strana koja je primila prednje obavještenje dužna je da u razumnom roku, pisanim putem iznese soje stavove i prijedloge. Ako se iz stavova strane ne može očekivati da se posljedice nepoštivanja, zakašnjenja i druge teškoće u vezi sa izvršenjem ovog Ugovora ne može nastaviti ni po proteku 30 dana, onda obje strane imaju pravo da raskinu Ugovor. U slučaju raskida Ugovora u smislu prethodnih stavova ovog člana, strane će izmiriti sve svoje obaveze nastale do raskida Ugovora.

Ukoliko je do raskida Ugovora došlo krivicom jedne ugovorne strane, druga strana ima pravo na naknadu štete i izmakle dobiti po opoštima pravilima obligacionog prava.

Izjava o raskidu ugovora ima učinak jedino ako je o njoj pisano obaviještena druga strana.

PRIMJENA ZAKONA O OBLIGACIONIM ODNOSIMA

Član 9.

Ugovorne strane su saglasne s primjenom odredbi Zakona o obligacionim odnosima i to u pogledu prava i obaveza i odnosa koji nisu regulisani odredbama ovog Ugovora, a koji nastanu u vezi i povodom ovog Ugovor.



RJEŠAVANJE SPORPOVA

Član 10.

Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovora se nadležnost suda u Sarajevu.

OSTALE ODREDBE

Član 11.

Izmjene i dopune ovog Ugovora mogu se vršiti samo pisanim putem. Biće punovažne i obavezivati će ugovorne strane samo one izmjene i dopune koje su sačinili sporazumno u pisanoj formi.


Član 12.


Ovaj Ugovor sačinjen je u 4 (četiri) istovjetna primjerka od koji svaka strana zadržava po 2 (dva) primjerka.

Dobavljač:
„Defter“ d.o.o. Sarajevo

Direktor
Redžović Refik



Kupac:
J.U.: Psihijatrijska bolnica
Kantona Sarajevo

Direktor
Ahmić dr. Muhamed
spec. neuropsihijatar



Broj: 3253 /19
Sarajevo: 19-03-2019

Broj: 06.4-891 /19
Sarajevo, 19.3.2019